



ESKOLAKO OHARRAK

Ordutegi aldaketa

Orain dela bi urte 2018/19 ikasturtean eskolako ordutegia aldatu genuen eta aldaketa hori 2019/2020 ikasturtean gauzatu genuen. Eskolako klaustroak aldaketa honen inguruan egindako balorazioa jakinarazi nahi dizuegu.

Jangela orduan 12:30-15:00etara gatazka asko egoten ziren eta 15 minutu gutxiago izateak eta patioko antolamenduaren aldaketak (Transpasioa) ikasleen arteko gatazkek nabarmen behera egitea ekarri dute.

Bestalde, egunerokotasunean eskola osoan 14:45-15:00etara irakurketa saioa sistematizatzea ekarri du. Lehen hezkuntzan zein Haur hezkuntzan irakurketarekin erlazioa duten jarduerak egiten dira (irakurketa kalean, irakasleak irakurtzen die liburu baten pasartea egunero, bakarkako irakurketa, ikasleek kontatzen dute ipuina...). Jarduera sistematizatzeak, ikasleei segurtasuna emateaz gain, autonomia ere ematen die eta ikasleak hobeto kokatzen dira ikasketa prozesuan. Gelara iritsi bezain pronto badakite liburua hartu eta irakurtzen jarri behar dutela, ondorioz, arratsaldea giro lasai batean hasteko aukera emateaz gain, ikasleekin jardun eta ekintza gehiago egiteko aukera ematen digula ikusi dugu.

Klaustrokideen aldetik onurak besterik ez dira ikusten.

Hala ere zuen balorazioa jakitea ezinbestekoa iruditzen zaigunez, datorren egunetan galdetegi bat jasoko duzue zuen eskolako @elizalde.eus helbide elektronikoan. Tarte txiki bat hartzea galdetegia betetzeko izugarri eskertuko genizueke.

Adeitasunez

Elizalde Herri Eskolako Klaustroa.



DBHko bilera

Datorren asteazkenean, apirilaren 21ean, jangela arratsaldeko 16:30etan, **LH6. mailako gurasoei eskainitako bilera bat egongo da.** Bertan, DBHko zuzendaritzak hurrengo ikasturteko antolaketa, arloak, ordutegia eta abar azalduko dizkizue.

TTIPI TTAPA

Kaixo guztioi!!

Hurrengo ostegunean (apirilak 22) "tipi-tapa" ibilaldia antolatu dugu. Elorsoro kiroldegitik abiatuko gara, goizeko 9:30tan. Gehienez ordu eta erdiko paseotxoia izango da. Irekia dago perfil guztietako jendearentzat. Asmoa da asteroko jarduera bihurtzea, ez bakarrik ibilaldi puntuala. Parte hartzeko kiroldegiko harreraren izena eman daiteke. Azkeneko momentuan etortzea erabakitzen baduzue, izena eman gabe ere etor daiteke. Doako jarduera da. Argibide gehiago nahi izanez gero, harremanetan jarri kiroldegiarekin. Animatu!!!

ERREFERENTE FEMINISTAK

Wangari Muta Maathai

2004an Bakearen Nobel Saria jaso zuen lehen emakume afrikarra izan zen, "Garapen iraunkorrari, demokraziari eta bakeari egindako ekarpenagatik". 1977an, Gerriko Berdea Mugimendua (Green Belt Movement) sortu zuen, eta, 1986an, Mantenu Onaren Saria eman zioten. Kenyako Parlamentuko kide hautatua izan zen (Asanblea Nazionaleko Behe Ganbera), non Ingurumen eta Natur Baliabideetako ministroaren laguntzaile izan zen Mwai Kibaki presidentearen gobernuan, 2003ko urtarrila eta 2005eko azaroa bitartean. Munduko etorkizunerako Kontseiluaren Ohorezko Kontseiluko kide ere izan zen. Maathai Ekialdeko Afrikan doktoretza lortu zuen lehen emakumea ere izan zen.



GREBA DEIALDIA

Hurrengo apirilaren 22an, osteguna, sindikatu guztiek alor publikoan greba deialdi egin dutela jakinarazi nahi dizuegu. Hurrengo egunetan, eskolako elizalde.eus emailaren bidez klaustroak egingo duena jakinaraziko dizuegu.



Informazio gehiago: www.elizalde.eus y www.elizaldekogurasoelkarte.blogspot.com.es

